

**ZAPISNIK SA 13. SJEDNICE UO-a SAMOSTALNOG SINDIKATA RADNIKA u BHRT-u,
održane 28.01. 2016. godine**

Prisutni: D. Smital; Dž. Kahrica; T. Maličbegović; M. Grbo; E. Čengić; G. Brkić; A. Teskeredžić; N. Žuga; N. Hodžić; M. Džihanić; S.Topalić; M. Baručija; M. Tufo; N.Vrgoč; N. Arnautović; N. Čordalija;

Odsutni: M.Muratović; A. Kolar - neopravdano, B.Hamzagić- opravdano
Sjednici je prisustvovala N. Šimić, predsjednica Skupštine SSR u BHRT-u

Dnevni red:

1. Zapisnik sa 12. sjednice UO
2. Aktuelna situacija u BHRT-u (izvještaj rukovodstva)
3. Skupština
 - Finansijski izvještaj za 2015.
 - definisanje datuma i ostalih detalja vezanih za održavanje Skupštine
4. Grawe (kvartalni izvještaj i izvještaj rukovodstva)
5. Mjesečni izvještaj blagajnika
6. Podjela pomoći
7. Daljnje aktivnosti Sindikata
 - Izvještaj o ispraćaju penzionera (M. Džihanić i N. Žuga)
 - Uspostavljanje saradnje sa SSS BiH (E. Čengić)
 - Disciplinska komisija (E. Čengić)
 - Obilježavanje 8. marta (E. Čengić)
 - Izmjena Pravilnika o dodjeli finansijske i materijalne pomoći (E. Čengić)
8. Razno

AD 1 D. Smital je predložio dnevni red, te je zaključeno da se na tački 3. diskutuje samo o finansijskom izvještaju i definisanju datuma održavanja Skupštine, kao i da se u tački 7. uvrsti izvještaj o ispraćaju penzionera. Ovako izmijenjen dnevni red je jednoglasno usvojene, Prešlo se na analizu zapisnika koji je usvojen sa 13 glasova Za i 1 Suzdržan.

AD 2 D. Smital je informisao prisutne o sastancima rukovodstva Sindikata sa menadžmentom, a u vezi kampanje za naplatu RTV takse. Vođena je rasprava o odnosu vlasti prema BHRT-u. Jedan od prijedloga je bio i da se odmah organizuje protest pred PS BiH. Na kraju je dogovoreno da slijedeći korak Sindikata bude organizovanje protesta u holu RTV doma 03.02.2016 i da se zakaže vanredna sjednica UO SSR u BHRT-u 01.02.2016. sa početkom u 10,00 sati, kao i da se pozove generalni direktor na istu kako bi i od njega dobili informacije o statusu Izmjena zakona o Javnom RTV sistemu u Vijeću ministara. G. Brkić je predložio da se zatraži sastanak kod visokog predstavnika u BiH, V. Incka, kako bi ga upoznali sa problemima, vezanim za naplatu rtv takse. Ovaj prijedlog je jednoglasno usvojen.

AD 3 D. Smital je predložio da se vanredna sjednica o održavanju Skupštine SSR u BHRT-u održi 08.02.2016. kao i da prisutni daju eventualne primjedbe na Finansijski izvještaj, koje bi se uputile knjigovodi na ispravku. Prisutni nisu imali primjedbe na Finansijski izvještaj. Dogovoreno je i da D. Smital dostavi finansijski izvještaj Nadzornom odboru, kao i da traži od Nadzornog odbora da dostavi svoj izvještaj Upravnom odboru do 08.02. kako bi mogao biti uvršten u materijal za Skupštinu. A. Alimanović je zadužena da obezbijedi svu potrebnu dokumentaciju Nadzornom odboru.

D. Smital je predložio da se 26.02.2016. godine održi Skupština, a dogovoreno je da E. Čengić i N. Arnautović rezervišu studio muzičke produkcije za održavanje iste. Na sjednici 08.02. se treba pripremiti sav materijal za Skupštinu kako bi se mogao distribuirati delegatima 15 dana prije Skupštine, kako je i definisano Statutom.

AD 4 D. Smital je rekao da je u skladu sa Odlukom UO produžen ugovor sa GRAWE osiguranjem i upoznao UO da je zajedno sa potpredsjednikom Dz.Kahricom zatražio detaljan izvještaj od Grawe osiguranja o dosadašnjoj provedbi ugovora. Dostavljen je zbirni, ali ne i detaljan izvještaj za 2014. i 2015. godinu od strane Grawe osiguranja.

N. Vrgoč je prezentovala tromjesečni izvještaj i upitala zašto se nisu pozvali predstavnici GRAWE osiguranja na sastanak, kako bi se cijeli UO upoznao sa njihovom ponudom.

D. Smital je obrazložio da nije bilo vremena za sastanak zbog toga jer je UO imao na dnevnom redu bitnija pitanja (Skupština, RTV taksa.). Također je rekao da su sa predstavnicima Grawe osiguranja otvorili temu oko kreditiranja osiguranja, ali nije ništa dogovoreno, jer nisu u tom trenutku bili poznati svi finansijski pokazatelji i zbog toga je i dogovoreno dostavljanje detaljnog izvještaja.

N. Šimić je istakla, da bi UO SSR u BHRT-u trebao odrediti koji model primjeniti.

D. Smital je rekao bi u procjeni modela trebalo uzeti u obzir sve relevantne parametre, kao što su: postotak članova Sindikata koji koriste tu uslugu naspram postotka uloženi sredstava i pri tome vodit računa da svi članovi Sindikata imaju jednak pristup sredstvima Sindikata.

N. Šimić se složila s tim i dodala da se u procjeni ne treba zanemariti ni količina novca koju sindikat dobija od osiguranja, jer nije nimalo beznačajna.

E. Čengić je predložio da Nadzorni odbor u sklopu analize finansijskog izvještaja za 2015. godinu da svoje mišljenje o kreditiranju članova Sindikata.

T. Maličbegović je upoznao prisutne da je razgovarao sa Triglav osiguranjem o mogućoj ponudi za kreditiranje, gdje mu je rečeno da nisu zainteresovani za takav vid saradnje. Također je rekao da što se tiče obrade kredita u likvidaturi, svaka firma u kojoj se naši uposlenici kreditiraju plaća 2% za obradu, kao i da je stari Sindikat (SSU JRTVS) plaćao usluge kolegica iz likvidature, preko isplate pomoći za jednu od kolegica.

AD 5 Mjesečni izvještaj blagajnika se prima k znanju.

AD 6 Na ovoj sjednici je podijeljena pomoć za sljedeće članove: Sirbubalo Selima – 300; Duraković Uzeir - 100; Baličevac Sead - 200; Hodžić Ismeta - 100; Hamzić Džehva – 200; Selimbegović Meliha - 400 (I dio); Pavlović Ismet – 300. Ukupno: 1.600,00 KM.

AD 7 M. Džihanić je upozнала prisutne o organizaciji i ispraćaju penzionisanih članova SSR u BHRT-u, i napomenula prisutne da se M. Sadikoviću, koji je dašao iz Bihaća, odobri naknada za putne troškove od 50 KM, što je jednoglasno usvojeno. Ukupan trošak za ispraćaj penzionera je 3.223,85 KM.

E. Čengić je informisao prisutne o reakciji Saveza Samostalnih Sindikata BiH, a vezano za naplatu rtv takse, od kojih smo dobili punu podršku za stabilno finansiranje javnih rtv servisa.

E. Čengić je predložio da se ostvari saradnja sa SSSBiH, što su prisutni podržali, te istakao da bi nam bilo od velike pomoći u pregovorima oko normativnih akata, i drugih pitanja iz radno-pravnog statusa.

E. Čengić je predložio da Sindikat traži odgovornost zbog gubljenja postupaka pred sudom. Naime disciplinska komisija nakon što donese odluku da je učesnik kriv, sud donese suprotnu odluku a koja firmu košta velikih iznosa.

Nakon rasprave o gore navedenom, zaključeno je da se zatraži od generalnog direktora da se ne pokreću disciplinski postupci bez valjanih dokaza, kao da se traži odgovornost pravne službe zbog završenih, na kraju izgubljenih postupaka.

E. Čengić je predložio izmjene Pravilnika o dodjeli pomoći, gdje bi trebalo dodati, da se pomognu majke nakon poroda, kao i smrtni slučajevi užih članova porodice.

Ove izmjene je predložio ukoliko to finasijske mogućnosti Sindikata dozvole.

Zaključeno je da se nakon Skupštine obavezno pripreme izmjene Pravilnika o dodjeli pomoći sa prijedlozima E.Čengića i ostalih članova UO.

E. Čengić je predložio da se za 8. mart za članice sindikata izdvoji po 25 KM. Po predračunu koji je dobio iz DM-a, ukupan iznos sredstava za ovaj prijedlog bi bio 4037,50 KM. Upravni odbor je usvojio ovaj prijedlog sa 9 glasova Za i 3 Suzdržana. Elvis Čengić je zadužen za provođenje odluke.

AD 8 D. Smital je pročitao protestno pismo odjela Arhiv, a u vezi izbora članova za budući UO SSR u BHRT-u iz podružnice RTV Produkcije. U vezi ove žalbe vodila se rasprava, nakon čega je rečeno da je to pitanje koje treba riješiti podružnica, a ne Upravni odbor.

UPRAVNI ODBOR
SAMOSTALNOG SINDIKATA RADNIKA U BHRT-u